



Finalmain er per rumantsch

Uss datti la strietta er sco giu auditiv sin dc

■ **(cp) Eviva il barlot da las strias! Dapi bliers onns è il cudesch cun l'istorgia da la strietta fitg dumandà tar ils uffants. Ed ussa datti l'aventura da la strietta er sco giu auditiv sin disc cumpact.** Realisà quest disc han Radio e Televisiun Rumantscha (RTR) e la Lia Rumantscha (LR). In'emprova auditiva chattan ils uffants sin la pagina d'inter-net simsalabim.rtr.ch.

Ils 30 d'avrigl ha lieu mintg'onn il barlot da las strias. Er la strietta sautass quella notg gugent cun las strias grondas. Ma ella ha pir tschientventgaset onns e perquai na prendan las strias pli veglias betg serius ella. Damai ch'ella n'è betg anc ina stria gronda, vul ella almain esser ina buna. Ma cun questa decisiun cumenza il battibugl... Sin dus discs cumpacts pon ils uffants tadlar, sche la strietta vegn vairamain ina buna stria e sch'el-

la dastga la fin finala sautar cun las strias grondas al barlot da las strias.

RTR e LR han realisà quest classicher da la litteratura tudestga dad Otfried Preussler. Sin ils dus discs na pon ils uffants betg mo tadlar la strietta e ses quac Abraxas che dat buns cussegls, er il sbragim e craschlim infernal da las strias grondas na dastga betg mancar. Eviva il barlot da las strias!

Il disc cumpact dubel (DCU 2009-1) pon ins cumprar tar Radio e Televisiun Rumantscha (081 255 75 75) ubain tar la Lia Rumantscha (081 258 32 22) a Cuir per il pretsch da fr. 29.50.

www.simsalabim.rtr.ch
www.liarumantscha.ch

Tgi che giavischa infurmaziuns regularas davart novas purschidas rumantschas per uffants trametta in e-mail a l'adressa: simsalabim@rtr.ch